



神へ 16
2752
8



門 16
號 2752
卷 8

舟州山人四部稿卷之二十四

吳郡王世貞元美著

詩部

五言律一百二十二首

贈寄史生

生與黃子俱為齊梁體

近來稱藝苑江夏爾為雙湖海風猶勁齊梁意未降
汝聯明月壁予汎白雲艘何日探竒字花間倒玉缸
四月一日同于鱗子與諸君水頭放舟六首

何處園池好唯應西郭偏惜當春後日狂愛水中天
璚瑁消人馬葡萄上客筵那能不深醉北望有風煙

舟州山人四部稿卷之二十四 世歷堂刊

昭和十六年
十一月十九日
購求

其二

朝來寬請急醉宿亦無妨舟楫青天近林塘白日長
浪花魚自起風葉鳥難藏忽有吳歌發滄洲意欲狂

其三

繁塢疑春在空塘得暑遲長年木蘭棹游女竹枝詞
萬樹聲俱發千山坐覺移飛觴予不厭促騎爾何之

其四

走馬長安陌放舟河水濱風光餘澹蕩天地此逡巡
任暫依芳草行看破綠蘋無妨疊鼓吹不起漢關塵

其五

歌管能回日輕舸自任風人家漁網外山色酒杯中
心事歡仍見年光醉未窮寒棠吾欲涉菰際忽驚鴻

其六

醉客雙眼白繁花一樹明乾坤憑去鳥日月問騎鯨
懸沫星濺躍輕颺浪熨平此中龍穩卧或恐夜珠驚

後九日重與應李諸君水頭放舟

為有滄洲趣重來肯厭頻溪鷗渾狎棹籬犬不驚人
物色時能改心期日更真僕夫母太促吾醉欲經旬

其二

韋曲看如故高陽侶半非清朝耕釣遠公事宴游稀

賓主忘分席陰晴數換木夷猶竟日暮聊與詠而歸

其三

此醉吾何惜沿流亦快哉山光入返棹水氣促行杯
岸曠天雲合酣歌海日迴風塵能傲吏朋舊任微才

其四

旬日乘休沐芳洲綠漸迷菰蒲疑水落禾黍覺天低
汎與心偏在浮生衆豈齊看他冠蓋客斜日五陵西
夜集有懷謝茂秦分韻

故人元不乏猶問白頭翁此夜潼園賦誰當謝眺工
小儒矜倚馬薄俗謂雕蟲爾自黃初際翩翩作者風

其二

被髮長安市乾坤一嘯歌歔歔吾輩晚跌宕世人多
短褐春仍在新詩老任過祇應西望處殘月滿漳河
寄萬郎中恤刑楚中

似爾飛章少看他屬傳同星辰南紀濶雨露帝鄉公
躡履衡雲外裁詩峽色中蒼梧去無盡恐晚北來鴻

其二

聞道衡陽使真能鑒覆盆淒涼汨羅水嗚咽楚臣魂
一代心仍屈千秋賦自尊如堪薦蘭芷芳意信乾坤
端午

亦自酬佳節何當病故侵絲絲從女競蒲酒賴妻斟
時序他鄉物風塵倦客心放舟吾舊侶應向越江潯

其二

抱病無端午鷺從稚子傳折蒲聊舊俗續縷更流年
佳客頻攻懶狂夫只愛眠山公使歸說箕踞柳陰前

子相考功
來約不赴

病中于鱗子與公實子相夜過

此日群公過能令稚子歡珠光海月動劒色夜星寒
牢落千年在浮沉萬事安時人歸眼底世道總眉端

其二

平生語不盡茲夕罄相逢意氣扶衰眼歡呼失病容
公才競班馬吾道豈夔龍忽憶吳山月雲深萬壑鐘
病中承三子各以五言二律相問率爾有答

酬于鱗

吾子篇章貴經旬思一搜長懷愧薄劣不敢問遲留
白日斗文動青天壁色流野夫何劇喜萬象總深愁

其二

落魄吾仍在沉冥爾若何即容雙眼白轉見二人多
燕市軻離輩沉酣亦笑歌愁還付天地名不廢江河

酬子與

一榻專吾過春風細討論子來客被髮泄柳故應門
抱病雄心改違時大雅存詩來重嘯借未敢對人言

其二

斗酒相勞苦清吟未寂寥豈應耽落魄或自厭扶搖
禮樂窮逾遠迂踈病轉驕子其稱籍籍吾欲付陶陶

酬子相

媿人忽相贈佳句比南金客訝山濤札予知湖海心
已能蘇病骨不必問知音把向中庭誦明河秋色深

其二

但使頻辭病吾生樂自偏已無官長束兼得故人憐

雨色殘虹外鄉心過鴈前縱有耽詩癖年來實怕傳

吳人杜惠由小侯棄官歸卧好談玄理余時避

地過從甚得賦此贈之

何必避名姓雅無塵市風少年結劍客中歲禮壺公

白石貧家事青山靜者功買田從此約俱卧五湖東

其二

豈謂窟身地過從意不孤以君初厭武要我亦逃儒
細雨蒲團坐荒畦竹杖扶自言唯一事頻累酒家胡

白河道中

極浦明鵝鶴天空雙櫓哀河流樹杪出山色雨中來

蘇州山人集卷之二十四 五 世經堂刻
鷺鯉超魚網歸鴻度酒杯推蓬坐箕踞鄉思亦悠哉

其二

予亦金雞使聊乘青雀船平生托湖海此際失風烟
野色紆長嘯漁歌起扣舷故人誰贈我司馬壯游篇

病承公實詩問率爾有酬

相逢盡年少那可問投閒偶爾彈流水知君念故山
青雲謝騰蹕明月寫潺湲昨夜羅浮色宛然眉宇間

重過張太學因贈二首

憶昨丁年客聽歌子夜長葡萄濃不瀉瓊樹儼分行
別思花如霰歸途月似霜昔來但立壁蝸跡在胡牀

其二

萬里皇華節殷勤委巷尋向來逢一飯茲意失千金
易憶窮途事誰餘往日心茫茫燕市筑曲罷幾知音

見德州李帥談邊事有感

秋色大荒甚單于吹角時移營千障急轉餉九邊遲
國事俱黃口材官幾白眉向來歌舞地回首半瘡痍

與周叔夜論詩

近來稱作者屈指問知音骨格誰真近聲名爾自尋
中天秀嶽色大海鬱龍吟一出無今古時才總陸沉

中秋夕沛河汎舟

玉鏡中天挂金波大地流河明千樹色秋滿萬家樓
迥奪魚龍卧平添烏鵲愁故園盧女瑟應復問刀頭

其二

萬里人初半三秋月正中天清涼似水江濶靜還風
玉借蓬萊館珠懸碣石宮時聞沛兒唱猶數漢皇功

新河道中

誰遣風塵裏滄浪意不違波光一雨合秋色衆山歸
乍可漁竿老那能馬足肥長歌向林薄紅葉盡翻飛

江泊儀真即有感

逐潮聲挾雨振地嚴催鼓角帆迥入星辰

薄祿偏為客他鄉易畏人寧知一水外日夜有垂綸

丹陽

垂晚丹陽道高秋白下船人因鄉語狎吾豈宦情偏
野釀浮橙綠香稷入鱸鮮向来看雨色衰草薊門天

將抵家有懷雲鵠給事

與君終日醉猶恨故山違天欲塞鴻盡秋先楓葉歸
青油使者舫白苧女郎衣總是江南樂乾坤舊侶非

其二

地入長洲苑天迴錦繡鄉歸來雖慰藉朋舊實淒涼
萬事存知己孫臣易斷腸祇應青瑣客南望或停觴

贈張節計偕北上遂訪歷下生

自別李生久乾坤吾不容汝才今倚馬於辨復雕龍
一見時名失千年國士逢當令薊門樹不復響秋蛩

聞京師 詔下志喜

斧鉞嚴清禁風霜動紫霄向推聊試鯨終殛豈慚堯
逆虜謀全折驕兵氣欲消普天欣止戰吾計可漁樵

其二

此日攬槍掃何云落將星中原無戰伐 高廟有神
靈一代家仍赤千秋史更書當知寶車騎勒碣尚垂

銘

其三

將相須才致時來亦偶然國威推轂重君寵解衣偏
白刃寧求敵黃金自有權汝曹判一死天地正風烟

其四

聞道將軍第荆榛車馬稀交游愁姓字部曲掩光輝
日月明何損君親計總非隴西羞李氏敢道漢恩微

題畫

卜築人間遠滄浪秀可餐長天一鳥去明月數鴻殘
何處迎風奏流音度遠湍匡牀醉欲醒秋色不勝寒

阻風湖口

雨色千艘轉，濤聲萬馬驅。河山歸慘淡，天地失須臾。
獨坐思舟楫，微官任道途。何堪一群鴈，失侶自哀呼。

其二

津吏迎相挽，孤帆盡日稽。東雲淮縣小，崩浪楚山低。
風雨千靈集，乾坤七聖迷。長安不可望，畏路重含悽。

仲冬六日江比部來言昨君生日也予始記書

此自解

忽忽吾何有，紛紛強自支。生辰公牘過，佳節故鄉知。
竊祿難輕引，為郎敢望移。西京珥貂客，白髮總拚垂。
雪後晨起小酌有作

一夜大荒白，孤城吾眼明。仙人吹玉笛，飛步下瑤京。
細酌千愁改，冥搜萬象驚。古來得意事，豈必勲與名。

過比部朱丈射陂草堂二首

客有孔融刺，君還徐穉林。著書深草色，懸壁競湖光。
意氣寒溫簡，郎官歲月長。踟躕醉將別，吾意未能忘。

其二

入君宴息處，香氣似禪居。趺坐心相語，真文手自書。
青天袒褐素，落日巾柴車。不道身猶貴，山人恐未如。

長至前一夕丹徒道中

積、冰、疑、無、際、微、陽、始、漸、臨、漏、偏、今、夜、永、寒、自、客、途、深

劍佩僊曹夢衣裳稚子心那堪更飄泊擁被獨愁吟

渡江即事有感

吳楚一江合風烟萬里開秋天鸚鵡筆日莫鳳凰臺
流落猶驚世英雄始忌才如何對玉軫絃絕重徘徊

除夕

久客家能好殘年日怕歸髮毛餘感慨童稚轉光輝
目與閩雲盡心隨薊鴈飛酒醒予夢破渡莫問朝衣

家君在閩

北使至有感

在野將成習降心欲近禪人來薊門雨吾醉闔閭天

未敢輕時事^知短世緣看他江畔柳早晚弄雲烟

同諸君汎虞山下二首

不盡青山色維舟雨後看閒雲流几上飛瀑散林端
游女千花暝狂歌萬竹寒未須疑酒盞吾豈任衣冠

其二

鼓柁江南徧茲游頗更雄天疑破柱剎山似逐推蓬
吹笛泉聲外披襟雨色中前溪正宛轉不必念途窮

王令招游虞山

鳴騶向城市緩帶復郊坰海色遙吞白天光自與青
汝無慚地主吾敢應山靈便欲依巖卧傳杯問摘星

南軒遠眺示王令

憑軒此高眺眼底意蒼然一氣千江合孤踪萬象先
席移將墮石琴起欲飛泉不分王明府能令勝地專

過子游虞仲祠

一代言文學千秋虞逸民列星垂氣象滄海紬經綸
太上有立德其先不辱身邀我不可見吾請事斯人

散步

飯罷欲何適獨行扶興長出門青草溼隨地綠蘿庄
麥浪搖晴旭松雲逗晚涼炯然鷗數點吾意漸相忘

屈指

屈指同心客經年省署稀豈皆吾道拙或與世情違
一醉乾坤是孤吟歲月非祇應罷簪紱甘老薜蘿衣

亂後初入吳舍弟小酌

與爾同茲難重逢恐未真一身初屬我萬事欲輸人
天意寧群盜時艱更老親不堪追往昔醉語亦傷神

叅省吳君挂冠之後以時難膺檄募兵耀武虎

丘

元戎夾鉞隊晴日試吳閭吹繞千花發旌從萬樹張
霜文散組練海色滿餘皇談笑飛書去滄波定不揚

其二

自爾龍韜偃誰當羽扇麾據鞍還草檄橫槊更談詩
祿食群公擅戎衣野客疑功成不問賞應向魯連知

與抑之游虎丘寺

風至開山閣雲歸卧佛床薄巖施屐易踈竹進牀涼
醉益狂奴態游徧傲吏長興酣公莫舞秋色起干將
崑山別張通叅丈人

風塵吹逆旅天地老垂綸共醉青山色偏傷遠道神
離前多怯酒亂後各憐身欲作披襟話秋霜鬢易新
寄宗子相

先後成歸客艱難有避兵地偏窮遣信天圻異浮生
桂樹雲常合桃花水未平何當狗微祿愧爾向時名

其二

明月和溝水飛花繞郭多閉門時輩遠開卷古人過
舊社誰能繼新詩各自歌更論燕市飲相顧邈山河

高郵別表兄盛生

留君更前路樽酒暫流連故里人將盡他鄉語欲偏
帆來湖上雨鳥散渡頭烟家國今何限深愁眼劇穿
訪李丈脩撰子相考功承二君見候不值有感
誰道嵇康懶携琴載酒杯僊舟空不見日暮獨徘徊
桂訝淮南近帆疑剡曲來知當動星象不必擬三台

再示子相

會夢時能作今來恐未真獨行却水上天濶四無隣
別後長如此幽懷可具陳腰間有雄劍拂拭氣還新
子相草堂夜話

世途誠浩蕩吾黨亦浮沉見汝棲淮海雄心自古今
偶成全豹隱忽漫一龍吟不有安期駕雲深可易尋
其二

剪燭頻相藉隣雞月又新隔年唯一笑回首竟何人
湖海神偏王雲霄夢未真所嗟從此別辛苦易沉淪
其三

聞道青蓮客新乘五馬車亦知多忤世無那轉憐渠
長揖難官長高吟恐簿書因逢同病者北望更躊躇
談于鱗事

十六夜泊彭城與張給事廷槐月下小飲

此夜彭城月清光萬里寒河流天地合山色古今看
桂樹香徐吐金樽漏易殘與君聊一醉途路失艱難
十七夜飲月下因懷昨年亦淹此地

昨歲逢茲夕徐方月下船客途今又到秋色去仍偏
岸幘風露裏開尊鴻鴈前不堪頻遠望南北總潸然
聞彰德寇起志感

此際潢池警橫行自豫方孤城壓暈黑千騎宿霾黃
衷甲謀非拙橫行勢可當如聞天下險或恐向教倉
賊易衣而入郡甲者出堂隍間執守

其二

南北殊憂難中原近若何向來論守相或恐致兵戈
枳棘春偏晚風霜暮自多始聞徵渤海垂白竟蹉跎

其三

汝輩勞霄旰徵兵幾道聞虎符新使者猿臂故將軍
鼓疊潔堤浪旌連亳社雲只今惟一戰白羽莫紛紛

登太白樓

昔聞李供奉長嘯獨登樓此地一垂顧高名百代留
白雲海色曙明月天門秋欲竟重來者潺湲濟水流

初夏燕京南陌

落日散平楚餘春留遠阡問津禮樵叟下馬拾榆錢
白挾千峰雨青迷萬竈烟笛聲叢薄內宛似太湖田

送王生下第秋歸

婆娑薊門柳來往惜年華楚客停舟夜胡姬賣酒家
柁歌南去近書鴈北行斜此際毋揮淚秋風江上花
庚戌秋有約吳峻伯不就賦此

漢樹淹胡月天都拂塞塵九關虛虎豹層閣望麒麟

社稷群公手兵戈一介身請纓還請劍慷慨涕沾巾
夏日游弘慈寺僧祈雨乞午齋而出

此日依蓮社真成戒酒杯胡僧多寶座士女獻花臺
說法老龍去隨緣甘雨來衝泥予不厭騎馬夜能回
天寧寺晨起即事

小榻棲蘭若朝來得縱眠依依上牕日隱隱隔墟烟
偶轉曇花徑閒翻貝葉編隨緣可度日無意更求禪

沙河橋

何年鞭馬石突兀亘沙洲山接垂虹勢波穿偃月流
寢園高自見車馬迥生愁不敢題紅葉知他達御溝

初戢省中西亭

仲長慕清曠潘岳賦閒居吾亦聞斯語疇能返故廬
得閒聊假息隨意試抽書公署長如此金門大隱餘

其二

固愛春陰好蕪愁秋雨聲以茲無所植獨坐有餘清
岍幘浮雲度攤書落照明避人吾已足何事更經營
贈湯少府子重

彭澤古達者簿書安可羈逢人羞作吏竟日坐談詩
春暖花源寂雲深藥徑遲 聖朝如可戀未有去來

辭

得家君楚中信

不見衡陽鴈新年入夏初忽逢江上信疑是夢中書
楚甸春衣薄燕山夜枕虛白雲猶在眼凝望意何如

齋日東汝欽博士

晝餘公事簡獨坐候斜陽偶却琴書擾時聞花草香
清齋予不厭別思爾俱長後夜知誰醉惟言恨太常

題朱象玄小獼猴

南中榮木食憐爾帶長安幸托王孫號羞帶楚人冠
意輕全欲竄羸弱未禁寒寧無離群歎得食暫成歡

西山道中有感

驅馬度潺湲轂從亂葉間高秋出遠戍落日滿諸山
寢殿金為室長城玉作關垂衣先帝業回首愧朝班

濮陽李明府自新喻再寄予詩茲以覲事駐城
外屬時禁方嚴不得出視悵然有懷

萬里君南去新詩得共誇如何近 帝里轉似隔天
涯霜白楓難改雲黃日易斜還期載春酒同醉洛陽
花

贈明竺上人

竺師震曰秀天骨何品藏一雨萬流合斜陽千嶺蒼
坐來楊枝水忽發梅檀香擬問西方路人天並杳茫

貽寺僧

且莫呼檀越還携貧里單無法可施汝將心何處安
石牀涼睡足僧飯午鐘殘聞有函經在能留次第看
推案作苦息而試筆簡子與

推案輕過日趨曹易逼年故交咸鹵莽時態乍留連
滿地疑詞筆千秋豈吏權忍判從此際董意媚風烟

哭宋郎中文明

關左班初罷楹間夢已長古今殊頃刻笑語落冥茫
露被先生婦揮金同舍郎征途冰雪裏誰不為沾裳
其二

憶昨清源里高秋駟馬停猶然稱節使忽爾返匆匆靈
素旒寒仍發朱扉雨自為新阡數行柳誰復記青萍

同子與正叔夜過順甫

臆意深難盡春光緩未迴日餘歸案牘天濶僅樓臺
寂寞耽吾黨榮華逐世才莫為殘漏惜過爾易徘徊

綠尊草堂為沈君賦

君是休文尙忘憂祇綠尊飛花翻作徑野竹自為藩
客有携琴過童知荷鍾言壯心燕市酒相對共銷魂

除夕

憶昨江城暮椒花耐晏眠異鄉春較緩佳節意翻憐

餘食趨童稚深杯撥歲年坐來殘漏緊騎馬問朝天

其二

節物燕京盛茲看太惋然荒荒羈膈色衮衮競新烟
憶語須同日傳觴有各天干戈竟何限骨肉漸隨緣

至京喜仲芳尚在

不謂夏臺畔能留復至今朝廷寧仗汝天地獨無心
北極瞻逾切中原畏轉深茫茫薊門樹暝色滿秋陰
春日意不憚折簡徐魏二子過飲

客歲添殊易生涯問轉難塞雲經晚變燕日到春寒
世眼翻相白吾顏豈重丹且呼班尹醉北斗任闌干

懷容城生

已決千秋事還餘萬死身避人應有惜談爾竟難真
鳥雀同迷歲荆榛可望春不知縲紲畔誰與授書頻

送姜君之衡山令

爾去神明宰青山治不難祝融天一線石柱雨千盤
鴈自南荒畫翼還北極看中臺今太史應識漢郎官
正月八日城西訪徐尚寶出使還

遇爾城西陌初停四牡馳乍晴為穀日今雨正瓜時
暝色過談易春泥策蹇遲畏聞鄉井事群盜亂如絲

訪汝厚善果寺

十八世歷堂刊

客居蘭若遠為爾特相尋
宦跡容顏在離懷髮髮深
暮生高殿角春入古槐陰
更有彌天語能淹不住心

春日郊游有懷于鱗

春甸堪吟醉何妨藉草留醉扶
天地語吟壓古今愁
鉅鹿山層去盧龍日亂流
將心向誰剖真覺此生浮

贈魏順甫

此道榛蕪日誰當草昧才用專
愁鶻視心遠釣鰲迴
狂簡緣吾得聲名舍衆裁
須令屈宋後嶽色重崔嵬

與子與諸君即席分賦得瓜

緱圃垂玄肝雕盤薦綠沉
疑萍耀朝日過麝失春陰
黃臺太子冰青門故侯吟
假彼寒香消予榮辱心

再賦得魚

湖海群分寄悠然意與深
相教惟出入於道有浮沉
未展垂天翼猶紆立極心
寧知子非我聊復戀蹄涔

春日同子與順甫游姚園分韻四首

小苑停游騎春衣試緩風
地容啼鳥合天借亂崖通
草色已驕綠桃花難禁紅
科頭仗解醉非是學山公

其二

休沐知余鷺幽期細討論
共誇韋氏曲遙並辟疆園
落日驅詩語高天下酒尊
暫未應有悟丘壑此身存

其三

爾輩成三益園亭勝頗兼春雲催淡蕩寒暝閣廉纖
黃鳥驚搔首幽枝出捲簾莫愁歸騎促殘日挂峰尖

其四

事事心相契難知可易忘片雲為碣石殘雨即滄浪
草重杯堪席花肥蜜欲房醉來須袒跣知爾怒吾狂

恨

時南北警方至謝生謁
李守不遂小有流言

零落先朋舊艱危但甲兵陸沉應有任瓦解向誰明
展轉疑吾道低回愧此生不知巫峽水流恨幾時平

贈楊翁

達者王孫後清時樂未涯諸賢與屬國千樹素封家
鄰竹有輿過春雲席帽斜兵戈未須念源水秘桃花

弇州山人四部稿卷之二十五

吳郡王世貞元美著

詩部

五言律一百二十五首

上巳同茂秦子與順甫游姚令園分韻

上巳游中得園亭興未涯蜂鬚低罨蓋雀乳細穿花
水曲清絲策林間白鼻騮亦知催暮景寧忍擲春華

其二

小苑能栽竹同心有握蘭愛看春水慢貪惜酒杯難
日緩桃花暝天留薜荔寒未須論節序休沐便為懽

其三

故人同載酒策馬問柴乘鳩候千花樂蚕陰百草香
共驚醒後字還促醉餘觴君借春波浣緇塵已建章

清明

此日長安陌光輝自玉珂禁烟寒舊少愁鬼歲新多
滿地謀生拙殊方逼逝過未湏推物理天地竟如何
苦吟不就呼酒解之戲成一首

萬事從吾好新篇取次裁畏難聊罷筆遺興且銜杯
宿鳥放歌起明蟾深坐來得酣須就枕童稚莫相催

微雨獨酌

謝客門應慣呼尊手自斟偶隨兒女戲未必丈夫心
暮景重雲就春寒細雨侵笑他窮阮籍特底學浮沉

醉過子與余魏二君在坐

諸君促席未吾醉只堪眠稚子私相命行杯競欲前
虛堂啟素月流水待朱絃嗒爾不能答炯然心所憐

雨中偶成

滴雨過深睡渾迷午候長宿鴉為暝色收霓更斜陽
靜得琴書理明添竹樹光物情聊共滴吏事許相忘

其二

此際江南雨粼粼起綠波為農應更樂罷耒即長歌

蟻競煨尊汎魚誇受釣多長安流潦甚車馬暮經過

得仲蔚所寄亂後諸詩有感

避地乾坤小愁身歲月遙榮華釀兵革喪亂飽魚樵
隱士紫芝曲朝廷黃竹謚異時真愧汝薄祿總難消

雨中徙居承子與詩問即答

蛟龍不自制驅雨徧神州豈辨兩儀色爭奔千穴流
吾謀慚埴蟻世路薄巢鳩賴有黃門詠能消獨客愁

其二

煉石功難就行雲事頗真橋如競牛女室已讓鮫人
急難朋情見流離客思新江湖滿天地未敢問垂綸

聞謔

羽檄中原舊戈船下瀨新夢牽兵後信心死戰餘人
緩急俱時見安危况老親飛揚諸俠少或恐愛風塵

其二

寇盜方如蝟何時望息肩腥羶甘大海戰伐黨高天
有信迷凶吉無家總後先不堪車馬地肉食共愁年

其三

怕詢開府使秋鬢雪添無母弟俱依越妻孥尚隔吳
愁憎雙眼在拙棄一身孤奮欲長纓請終軍竟小儒

其四

聞道黃金募新屯海上兵敗亡誰後殿剽掠敢橫行
戰血鼉鼉集愁魂烏雀驚欲歸無寸土何敢論浮生

其五

寇却餘皇上師逢攜李傷海波吹欲立雲日照俱蒼
實恐游麋鹿何言異犬羊

兵部臣猶謂
警與虜異

中原天漸小

吾計尚茫茫

詢吳舍人病

汝但棲金馬散名未陸沉宦情秋事薄卧病白雲深
自反三湘吊彌堅百代心高齋對玉軀寥落為知音

其二

懶朝初謝病青草閉門長去俗為齊語矜人咲楚狂
寸心天未拚孤憤世頻妨濁酒如相命和歌燕市傍
夜坐偶成

湖海頻驚信乾坤可置身且謀今日酒能保異時人
骨肉名空在田廬跡已陳急難雙飽眼未敢視經綸

其二

塞垣遙白羽京輦闕黃金親計難歸拙君恩畏轉
深一生垂失路萬態總違心僅有文章在名山恐陸
沉

病答明卿

伏枕一身事胡為相念深此生須覓汝終古在知音
地緩垂枯骨天扶未展心茫茫大鵬海變化或難尋

其二

得汝憐貧僊新詩慰藉多病添仍藥餌身在且兵戈
拙信乾坤戲狂堪日月磨無勞駭容鬢吾已會高歌

于鱗贈梨酒

香擅中山酒甘分大谷梨已非茲土易况乃故人齋
雪壓漕漕滴霜雕顆顆齊便須供老母未敢及荆妻

簡茂秦

曠蕩長安陌飄然一老翁壯懷千古在衰態衆人同

衣食心難盡干戈計未工迴車竟何適勿哭世途窮

送馬揮使運餉還吳

仲孺名家子樓船轉餉師星霜過客傳天地老軍麾
才自銅符發恩憑玉劍知漢功誰第一不復數褰旗

寄子與

嚴城淹駐節飛雪捲淮波此地唯予先新詩任汝多
論交失宇宙把酒異山河倘念高陽侶春風掩戶過

其二

早晚辭桐栢春來到雲無萬山青待汝一鴈迥愁吾
高步才難發橫行思轉孤仗誰消日月為計亦江湖

簡余德甫

胡為數請急不受尚書期藥果翻餘事藜牀掃為誰
壯心來折節懶性失耽詩我但携琴造君無厭酒卮

哭梁公實

梁生不可作吾道洵堪悲吳市無雙隱函關失五噫
淚應枯德操骨好傍要離白日霾將黯珠沈合浦時

其二

但惜金蘭遠寧知玉樹摧賦留中使問魂逐大招來
浩蕩心難掩飄零業未灰何勞驗天意白首世人才

其三

翹首南荒外孤雲重黯然所悲緣異地誰謂不同天
簪紱辭賢路文章損盛年未須煩墨守吾及見玄傳

其四

草色羅浮滿茫茫不可尋乾坤聞笛賦山水斷絃心
大業中途阻雄才半陸沉呼兒檢書札讀罷細沾襟

其五

客語騎鯨事誰傷賦鵬篇蒼梧墜白日大庾瘴高天
吾道有千古斯人無百年青門一杯土寂寞定誰賢

其六

脩文應不薄汝厭世途游白馬巨卿在青萍季子酬

入間總長夜嶺表忽先秋任識忘情語縱橫淚未收

其七

欲草名山志飄然滄海濱詩篇難覩老丹竈却添貧
已自乘元氣那能憶故人暫飛遼海鶴或恐是前身

其八

白壁埋輝照青雲委路岐斯文或後死未老竟安之
敢任昌言續無慚有道辭令名兼壽考今古總難期

其九

當年太阿劍拂拭有光輝出獄果何意延津還一飛
星辰元不沒河嶽自相依吾復憐雷令人今識者稀

其十

西郭招提外臨溪一咲輕諸天應有聽五子尚尋盟
震旦誰相啟恒沙汝獨行春雲空盡日駐馬不勝情

寄于鱗

遠樹太行壯亂流漳水深風雲來染翰河嶽映披襟
鞭弭中原約車書異代心並驅吾豈敢或可效知音

其二

春日邢臺上獨吟千古愁鼓行人自失磬折爾何求
宦恐詩名忌才寧吏事收西來書一紙吾病欲全瘳

送張職方謫判鎮江

書室宵衣切公車書草頻論兵人自勝飛捷事誰真
放逐容

明主艱危失大臣還應伏波幕書記禮崔駟

其二

郡閣憑揚子公餘試一臨江山百戰色南北異時心
敵恐矜天塹誰當任陸沉艱難根本地相贈淚沾襟
止酒

物色何麋至窮愁忽蝟興此生甘磊砢吾黨讓憑陵
天地驕相束風雲黯自仍降心堪入社絕口羨如渾

其二

豈不卑醒態其如惜病何衰顏漁父對白眼酒人過
世事窮堪老詩篇倚更多春來空爛熳吾計獨蹉跎
竺上人六月閉關禪誦精進書此勉之

聞師初解夏一鉢與繩牀幡影白雲靜鐘聲清晝長
霞餐有禪悅水觀生微涼請看降心後依然花草香

其二

維摩丈室外苔蘚自經旬豈以薰脩業能堅忍辱身
覓心不可得縛汝竟何人好去門前路清溪漲色新

初夏游張氏山亭

豈必在丘壑居然無俗塵曲肱烏皮几墊角白綸巾

萬象各有媚孤雲愈見親野人驟得此野性詎能馴

其二

叢林鳥雀傲委巷漁樵通迴看一卷石坐失千華嵩
藤蘿行秋色檜栢宿天風投足豈在廣會心浩無窮

其三

微微動幽籟簌簌滌廣除石梁屬窳窳磴道藏威紆
觴飛競謀速飲至不願餘無煩具主禮已自稱吾廬

其四

改席臨幽壑披襟當絕巔苔錢乳竇散雲葉金波穿
伏虎蘊盤攫脩鱗坳蜿挺箕踞一長嘯寒敲千樹傳

其五

宴坐盤石上澹然忘所歸片雲逗松頂隙月沾人衣
蠕蠕宿羽動稍稍澄露微尊酒欣有托塵言晤來稀

答寄子成僉事

京洛時人地蠻荒制府開楚天看欲盡朔鴈去能來
間濶將成老艱危未易才中原稀瘴癘兵甲暮堪哀
復與諸君游張氏園

休沐時相過猶言惜未頻風塵餘此地山水更何人
高咏銷蘭燼清輝掩桂輪冰盤薦沈綠不道故侯貧

其二

散地容疎放微名罷討論酒徒余漸老詩道爾誰尊
抵掌迴高睨披襟就大言狂來據盤石星斗亂堪捫

其三

不必誇幽勝唯應事事宜秋陰生檜早暝色赴花遲
侍立顏如玉爭論肉勝絲君看廣陵散何異郢中詞

其四

洗却侯家態胡牀僅薜蘿鶯花吾暫主雞黍客貪過
雌霓飛梁挂雄風岸幘多尋幽更移席興到即為歌

其五

煩暑辭高棟嚴更起麗譙坐寒雲母障詞豔雪兒調
物性幽堪狎時情短易消祇言乘月散策馬曙光搖

大雨

曜靈避晴漢豐隆鞭疾雷鰲驅海水立鵬擊天風來
百卉斂含態孤根虞見摧為霖空自許板蕩世堪哀

其二

昨歲還茲日燕京雨故多縱橫成陸海簸蕩決天河
日月終無恙陰陽任自摩未須疑號令或為洗兵戈

寄曹雲南

封事人堪老長沙席未前試論驄馬客誰更碧雞天
放逐

君恩並淹留國士偏南滇六月息待汝擊風烟

中庭二紅梅三月盛開賦此志感

三月梅仍發聊爭爛熳紅無能待霜暮強起受春風
色恐群英妬枝憐幾日同吾室載尊酒寂寞灞橋東

其二

杜曲花俱豔庭梅豔更新人看等桃杏汝自絕松筠
不語風前色多愁雨後顰那知山雪裏別有更精神

興至

興至時拈句狂吟意頗安縱稀吾輩賞不藉衆人看
捲席千山暮岳天列宿寒茫茫遠道思徒倚坐憑闌

奉寄張宇清先生

聞汝茗溪社乾坤與勝緣雲生屐齒路春拄杖頭錢
碧暈千山樹紅粧萬頃蓮探游更奇絕未許世人傳

其二

何地堪肥遯斯人自不群杯傾若下月帆落洞庭雲
煮石青精飯臨池白練裙爲郎未云貴尺素許相聞

送張汝玉郎中移病歸

送爾盧龍城秋風葭蕩鳴僂曹誰玉樹御苑自金莖
彩鷁長河色踈砧野戍聲東南一抹處慘淡暮雲橫

其二

秋霜楓葉酣清淚一尊全戰鼓關山北征旆日夜南
離情恨車馬歸計入耕蠶滿目同愁病遲歸應自慚

春日再游韋園仍用前韻

春事携尊盡清溪倚杖看山容薜荔古水氣桃花寒
伏飲扶餘醉為歡別起端如能念狂簡吾豈任簪冠

其二

身世吾今醉乾坤爾輩逢褰裳采蘭芷奏曲起魚龍
返照杯頻得浮烟關自重莫嗔歸騎緩花底愛行蹤

醉後有感

春至偏宜醉醉來心轉長看花那辨色鬪草不成芳
癖就終為懶憂多轉若狂何時歛輕楫隨意釣滄浪

其二

去日未云久征途方畏難客能驕白髮身轉羨黃冠
雨雪愁邊阻關山戰後看殷勤仗一醉莫放酒腸寬

寄答峻伯

殷勤吳季子尺素為予言春水初平雪蘭舟直到門
星歸豫章駕人卧桃花源獨有新詩就誰堪細討論
未明赴公署即事

侵曉赴公署聊將餘夢辭馬蹄破殘月松影戰微颺
宿霧人語出孤燈生事知還袪在喧態嗒爾寄遐思

雪中報國寺訪張有功不遇

垂鞭叩古寺寒玉滿層柯疑是梅花發其如水雪何
嫩人曠孤館顧我重關河忽有牟尼對諸天離思多
病甚後見舍弟至

病間吾逢弟餘生汝得兄乍驚衰後態差識變餘聲
黯淡杯仍卻踟躕燭屢更時時答吾黨詞筆太崢嶸
送江比部視廣東學

江淹筆仍扳陸賈車別懷唯爾賦新論是誰書
音殘星外羊城明月初歲寒須自保鴻鴈正愁予

初秋獨游張園五首

小築謝公墅東隣習氏池野夫還一造秋暑忽何之
過雨添新瀑懸崖逗晚颼莓苔任沾濕長嘯坐支頤

其二

景物鄉心在詩篇病骨蘇流霞散醪醪飛雪破雕胡
日月行雙鏡乾坤自一壺撫膺予稍適朋舊未堪呼

其三

海外戎王麥風前石國榴火珠紅乍吐粟玉翠還浮
物自頻堪摘人勝幾度游雕欄太平里曾是曲陽侯

其四

席綺千門月臺陰百尺松園林私野色卽第改秋容

幽莽時人賞飛揚我輩逢且須拚一醉湖海戰心濃

其五

季子慕竒尚少文耽卧游生平驕爾輩端合置滄洲
此地適相遇新篇高自酬遂令林泉表時見雲霞流

答明卿

自汝移金馬風塵日更悲一身饒抗疏萬事寄論詩
青史名誰定朱絃調轉疑宦情非不薄天地去何之

其二

國步群才後天威百戰間衣冠銜寵過丘革置身艱
高議寧排闥微名且抱關即論杯酒外何物暫開顏

立秋夕與明卿過予相

久自淹煩暑科頭興不賒相携九秋色一醉故人家
節序頻深警文章各未涯誰將宋玉辨付爾楚狂誇

其二

清尊玳瑁發高館湛盧鳴且黜人間語憑驕秋外聲
異時心競折流俗態相驚回首驅公事縱橫任兩生

時事有感

聞道三吳血猶腥大海濤連籌人自異推轂
帝頻勞白羽軍符峻黃金甲第高普天嗟玉石吾計
屈蓬蒿

其二

嬌小私相命牽衣哭路傍幾時堪翠靨何物是紅粧
綦履春風薄掖庭秋夜長光年如有賴微質等朝霜

送交河簿徐生

婆娑淹聖世偃蹇寄微官立馬滹沱夕鳴琴大陸寒
汝才寧尉足古道向人難枳棘中原在風塵稍自安
夜坐

清秋思不極掩卷坐沉吟自決浮生計誰探異代心
物情窮可見吾道拙相尋不為存騷雅曹劉豈至今

秋夜

砧杵關心甚篝燈引寐遲不才余自怨未老世頻移
星斗踈堪摘天河莽下岳喧喧漸車馬茲意欲看誰
送顧舍人使金陵還松江

汝豈因鱸膾吾曾識鳳毛青雲躡暫得白雪和誰高
海色鍾山雨秋聲笠澤濤南征有諸將為語聖躬勞

秋夜過明卿分韻

萬柝秋聲傳千門月色搖楚吟頻誚鳳吳語亂爭梟
物議安余薄時才益爾驕生平一尊酒落魄累清朝
即席分韻送肖甫

高會幾人共潛然問所之吾曹殊未已世路漸難期

詞賦雲霄潤經綸日月欺三巴還百濮姓字仗誰知

驟寒

久自安締絡俄驚撲續催暴雷收未穩驕霰突如來
喜怒高天迸焦枯下土摧稍聞誇燮理吾道但堪哀

即席賦得梨分韻無字

漢廣偶萍實南中饒木奴上林還見品大谷未全無
高露屑金掌寒冰飛玉壺長卿故游倦消渴暫應蘇
月夜明卿見過遲子相不至適陸秀才之裘來

小飲分韻

誰堪同夜色客有尚風塵斗酒月中醉寸心天外陳
薄游歸黯淡小語破沉淪吾眼饒青白容他禮數喚

其二

對坐烏皮几何來白角巾詩篇寧爾道尊酒亦吾人
總未妨知己居然念所親豈應狂簡外別自有雷陳

柬子與

汝去愁真宰新詩就不難豈因兵計折翻伏世途安
鼎足誰先下琴心且自彈要盟一寸地矯首薊門寒

其二

倫輩寧狂者詩篇好問之千秋何爾態萬象豈余私
左袒青雲奪中原白日垂可關兒女計嗟惜受人悲

東子相考功

宴坐尚書省時才屈指中西來李襄國不數漢扶風
名豈緣吾大人今向爾工莫令湖海上寥廓見冥鴻
月夜報國寺明卿見訪有作

別思諸天盡臨岐但蹶然片雲依錫住殘月借燈傳
施客于靈闌飯逢僧貝葉編醉餘還更酌吾意未逃禪

贈大川上人

再從西域歸

白馬歸來後經翻定幾篇向承西竺問寧印北宗傳
轉梵天音合降心佛日偏不須尋聖諦與爾各隨緣

湖上

偶為湖上酌已異城中觴自失鳧鷖暇時來花草香
更衣報寒食立馬愛斜陽復指從西去祇園春正長
約于鱗游西山不至

就約神飛動青雲未易窺豈無堪並馬只是自吟詩
物態吾寧薄山靈爾向知轉應疑夙昔風雨太行期
與于鱗別二三子即席分韻

不辭杯酒醉山水盡君操去住他人並行藏異代勞
中原莽星斗大陸驟風濤尚有刀環色能令漢日高
贈呂光化

遇爾何稱病凄然自越吟五噫明世事三別盛年心

故舊緜袍晚文章右褐深同車有中散不惜奏瑤琴

偶成

驛使書相問愀然不可禁吞聲微祿過削跡畏途深
主父千金口龍陽百歲心野人何所道歸釣楚江陰

詠鷹

時有感趙司空也

群族寧妨汝睚眦動殺機決雲尋嗜去驚電逐呼歸
風雨扶衡擊乾坤縱飽飛亦知終鼎俎辛苦為誰肥

余以使事出至薊門時事大變明卿被謫

豈謂邊陲遠風光到自嗟

帝京新世事郎署舊天涯傲骨窮堪長狂名晚更加

任他車馬地風雨向人誇

其二

詩自先生事名勞異日論衆看真長物老至惜空言
河嶽西來轉星辰北望尊爾曹知有盡那可不銷魂

其三

除目無勞問時才滾滾過積薪吾意遠推轂物情多
不盡青雲色何來大海波故園有叢桂憐爾正婆娑

其四

倏忽精靈變浮生未可幾向知愁貝錦誰復記牛衣
雨露寧榮悴風雲谷是非斐然二三子戒爾盍言歸

答子相考功

變後書相問倉皇拭淚看物情殊况忽吾道轉艱難
蜂目無勞睨蛾眉敢自安熒熒夜光在莫使照人寒
子與有使事賦此問之

汝屈辭官計猶銜奉使榮但伸

明主法無害小臣名風雨驕難問江河幸未爭獨餘
愁病客春色老邊城

明卿由給事外謫貽書見報悵然有答

恠爾緣狂謫書來轉更狂一官任湖海十口厭文章
後進吾俱畏浮名衆亦妨不須歌九辨春雪滿三湘

漁陽有懷于鱗却寄

春郊望不盡飛動意難禁地轉漳流潤山連薊日深
安危吾長物貧賤爾初心薄俗寧無畏高齋且細吟

其二

莫問除書意風塵彼一時折腰君自若鞅掌我向辭
客計深憐晚詩名未易卑吳門耦耕地烽火受人疑

聞諧

薄蓄元非假高名敢遽攀未歸慚地下

謂客城也

且住看

人間湖海藏烽色雲霄適客顏五噫何敢咏揮手出

燕關

其二

故舊紛相謂狂名得已遲
卿仍用卿法吾更愛吾詩
枉責元龍禮虛勞惠子疑
吳山青片片或恐妬歸期

驟雨

急雨至無賴高風吹未停
蒼茫歸一氣歟忽走千靈
禾耳不愁黑麥芽無限青
乾坤應自若其柰入沈冥

吊故李北平廣

聞道匈奴騎猶驚飛將鋒
馬蹄終自老猿臂欲誰封
得一中原重無雙異代容
長令草間鏑霜色滿廬龍

偶成

戰地窮胡粵謀臣出漢廷
亂離人厭日踈放客能星
祿薄憑相棄歌深且自聽
巾山酒太惡三載又勞醒

懷柔道中

馬足吾何限山行稍自寬
人家梅雨色衣袖麥秋寒
過瀑添新徑歸雲改故巒
斷腸沙鴈起一一向長安

宿昌平寺中

招提西郭外邀我暫披襟
一雨汰行色諸天迴住心
僧來探小品吾欲老叢林
莫問津梁意人間道路深



并州山人四部稿卷之二十六

吳郡王世貞元美著

詩部

五言律一百二十六首

上谷雜詠

十萬嫖姚騎縱橫大漠旁至今聞索虜不敢道揚王
錢券埋秋雨金戈卧曉霜撫髀人自急高塚下牛羊

其二

尚憶譚家馬驕嘶紫塞中虜廷愁漢月邊羽快秋風
一戰人誰得孤城圯已空不知麟閣上寂寞漸誰功

海內兵戈徧茲方可晏然生兒先共虜與鬼不分年
馬失來時道雕盤戰後天城中七萬戶簫鼓舊喧闐

其四

曠騎名非少司農口不供黃金仍道路白羽轉從容
自虜乘春障何人念夕烽飽飛諸節度寧羨徹侯封
孟夏上谷署中夢客携商山四皓圖令余賦之
尚憶商山聘千秋卧未深兵戈留地肺羽翼轉天心
衰矣紫芝詠惜哉黃鵠吟豈應龍變化來去杳難尋

病

病豈長途事仍勞藥餌扶未饒詩寂寞且厭酒糲
入塞身初屬論兵氣未蘇猶聞羽書至戰血滿三吳

其二

羽檄成茲病人間藥物賒縱歸猶是客小憇暫為家
世事老難必吾生愁未涯欲從詢上帝浩蕩丰間槎
夜遇子相城西同宿

遇爾不自意驟回雙眼青立談過深雨把酒盡殘星
此夜真同醉明朝又獨醒亦知古道在那敢怨飄零

其二

天地事何限風霜吾自讐如何二月別頓盡百年愁

未易蛾眉老何當駿骨留停鞭又揮手斗氣淺幽州

碧雲寺逢王元肅

豈謂招提境逢余萬里歸故人歌出塞游子淚沾衣
烽火垂成劫衣冠未息機去留俱不可執手意翻飛

答于鱗

向來憐影意豈謂欲騰驤吾黨無中馬君才老太行
別筵人又改借箸策誰長莫作懸車問浮沉總不妨

其二

為問長安態縱衡日與新好龍蕪廢似應馬遂為真
但自稱知己相留讓衆人乘桴余敢後滄海浩無津

寄潘德元

十上書空就荷衣太識君倦游讒白雪多路薄青雲
客况難深語鄉書漸怯聞還應賦秋興或可慰離群

雨後河間道中

驅傳稍出郭川原鬱蒼葱初晴樹猶雨薄暮蘋自風
魚鳥俱有造雲霞一何工澹然忘其往寧悲途路窮

自安州改陸泛小艇趨保定即事五首

豈謂驅車地長年問莫州席迴風四面珠迴月中流
剝室新鮫杼危城隱蜃樓鳴榔更伊軋頓起故園愁

其二

曠望天無際能令客思醒
雨拖雙柱白山抹半螺青
小酌扶吟嘯孤帆破杳冥
如何未搖落飛葉灑風汀

其三

大澤書多霧北風天又陰
坐園山似髮看遠樹如簪
倏忽漁樵計艱危道路心
恠來聽鼓柝稍類越人吟

其四

高原出殘黍雨色似蕪葭
搔首雲徐葉迴橈浪欲花
魚龍更故宅蛙黽競生涯
銀漢翻應淺難呼使者查

其五

萬壑中原滙諸方澤國遷急流
趨割地遠勢拍蕪天
真宰何兒態馮夷又帝權
未須驚野哭甲子是堯年

書懷

燕雀將風甚蜩蟬計日吟
眼衰頻入態髮短不勝心
黯淡安爭席徘徊罷鼓琴
故園戎馬意蘿薜太難禁

其二

節序流螢色風塵病客杯
壯懷依事改衰鬢先年來
自忍窮途味翻悲異代才
微官去不果衆毀任相催
與俞按察登大佛閣分韻得深字

霜旌逗玄剝秋色滿祗林
萬井夕陽盡諸天雲樹深
醉來扶感慨別至畏登臨
君欲彈流水誰傳空外音

又得身字

飛刹頰嶙峋超然萬界新法蓮趺玉井靈鷲捧金人
豈謂相逢地俱成不住身論文竟何日揮手向迷津

咏大佛又得身字

何來布金地螺髻挿星辰謂爾原無相憐予亦幻身
泥洹去甕率舍利落微塵不見臺城叟終為有漏因

秋日過于鱗郡齋分韻十二體得門字

握手未能畢新醕香滿樽白雲供使者寒色傍州門
一哂中原過新詩異代論長安故人地車馬自言尊

邢州別于鱗

西來天地折無恙太行城二子狂歌發千山秋思生
世人殊黯淡何物與縱橫不獨文章在無齊拙宦名

其二

春花杜陵陌慷慨各沾襟不謂人間地重扶海內心
題詩揮白日把酒咲黃金欲緩征車路關門斗氣沈

別大名王守明輔羅倅虞臣

誰令雙玉樹嫋嫋西風前別酒使君醉高樓明月懸
張帆飽秋色鼓柁下淇川回首豐城劍時時並斗邊

贈王羅二子

跼蹐時才甚浮沉敢望憐自逢雙白壁不惜五朱絃

角州山人集卷之二十一
吏事吾寧左詩名爾競前好將車馬地一一問長年

由天津汎舟趣霸水次夜泊

高帆去不極天際見人家繫網青楓樹藏舟白荻花
迴風喧鴈鷺隙日至魚鯁亦有垂綸地兵戈敢自誇

其二

柴門半侵水落日蘋花寒野老不識拜兒童頻指看
魚鹽僅成市雞黍一為殮莫怵慵移楫人今此地難

貽子相

薄祿藏吾道移官拒物情簿書空自老衣食自難輕
漸削崢嶸跡誰探黠淡名語君無一可只是學歸耕

貽應比部在明

屈指交游在相論涕淚中草成何地碧楓落故年紅
心事誰偏就生涯漸許同還期大河水雙柁鼓春風

王丈比部以二詩見懷率爾有答

公我文人行誰其同舍郎白雲辭漢吏寒月滿胡牀
蹤跡時相掩詩篇意未忘金明無地入矯首問蒼茫

其二

別來凡幾日霜色轉關榆一剖黃河鯉雙遺明月珠
故人元不薄世路轉多虞問我踈狂態君還道有無

哭故鴻臚卿王公楠

十年符節令一拜鴻臚卿拙宦元君事辭官豈衆情
吾方要坐隱天忽忌歸耕未有延陵劔秋風涕淚橫

其二

難弟元方並無兒伯道傳青雲晚更薄白髮病仍偏
尚憶山陰墅誰題京兆阡西州舊游地騎馬醉潛然

移司順義有作

孤城寒色裏粉堞自悲笳行飯數秋葉携書當晚衙
誰言是官長我意等山家獨有清尊盡金魚未許賒

其二

偶然吏事薄敢與山林期白日乍依我青雲將問誰
禽歸落霞色花吐凌霜枝欲作愚公署恐令車馬知

得子與書有感

莫問春來色人間漸不如使星雙戰地兵火數行書
白髮誰堪少青山也自踈踟躕但杯酒深愧呂安車

贈萬生

看君諫議後疏草篋中遺舊業青山少窮愁白雪疑
書成人未達酒至爾何辭他日相如貴毋忘滌器時

明卿爲刪定余詩謝之

黯淡看人足崢嶸得句過偶然酬造化未敢問江河
後世誰相定浮生肯自多還須太玄就埋著楚山阿

偶得佳酪巨螯兼致新菜遂成一章

醱乳行温玉烹苔間理絲螯雙落吾手杯百竟何辭
不作他鄉味翻深故國思醉來時自哂張翰亦吳兒

王徵君有子及群從獲雋馳此贈之兼為酒約

可憐王君公避世墻之東玉立雙桂樹金枝向秋風
把臂牽小阮迴車呼阿戎便須釀美酒要我竹林中

邀李河內石叟事冷太僕於使院園亭觀菊

小閣餘幽賞西風菊數枝徑延三益近花殿衆芳遲
薄祿猶能釀微名懶自持王弘郡齋好籃輦倘相隨

李二丈給事以詩謝不赴看菊之約走筆倚和

不謂吹簷侶彌甘在澗窮濁醪玄夜隔高枕白雲同

處士逃何點通家識孔融祇應池草助內史旬逾工

厥兄河內以詩來赴

寄張大侍御遷吏部郎

向來周柱史仍作漢郎官不盡明光疏還留啟事看
青雲歸藻鑑白日動衣冠解道嵇康懶書成也自寬

歲暮事稀偶展白傳長慶集不覺有入戲作

亦知憂造物衰怯未辭官薄祿消無計微名損甚難
書齋陶甕舊燈火白詩殘依約中人業青天可見寬

閒居偶成

偶然吏事簡地寂春風偏小類山中日因窺靜者年
啼鶯狎久坐垂柳伴三眠却笑陶徵士猶煩山海編

呼酒

草坐啣啣鹿花含宛宛鶯祇應要從事來此伴先生
醉即稱中聖衰從喚老兵囁嚅詩欲吐只是畏浮名

雨後途見白雲甚奇率爾作

宿雨淨秋旻青天掩白雲孤峰秀突兀疊嶺琢氤氳
雪似崑崙擁山疑玄圃分因風乞遺屑持報華陽君

初秋端居即事效初體

雲衣垂玉蓋荷淚滴珠叢流螢助幽寂鳴蟬生晚風
孤心合浦葉遠調嶧陽桐百感依涼至煩暑未須攻

答峻伯

雪裏薊門樹北風鴻鴈寒故人五載別逼歲一書看
拙宦謀誰長浮名損自寬論心竟何日天地轉艱難

其二

書來知汝到飛動意難禁早晚辭天目棲遲豈衆心
青袍論舊少白髮著書深莫問公車意

君王在上林

偶懷吳明卿

對酒歌天末潛然記逐臣泥塗名總大海嶽意誰伸

自汝愁懷壁何人不貴璫豫章春水地處處好垂綸

將赴青州道別醫友王昌年

荒城不忍別濁酒暫相親病骨真須汝離顏轉向人
雖無郭太楫尚有呂安輪寄語雲門昧應催發興新

其二

海內猶烽色微官到自嗟我行何處是汝返未為家
落魄交多改銷魂夢轉餘鳴騶又衝雪深羨暮棲鴉

晚行靜海道中

北風鼓殘臘河底壓春聲敲石五更飯鳴雞三里城
雪妍枯枿態月灑早霜情馬足何勞問乾坤任此生

吳橋道中

三輔行將徧孤城客久稀朔風深引幔寒日淡沾衣
何物人堪老浮名計總違黃塵滿天地不點北山薇

途中雜詠

出郭已十里晨炊猶未烟浮雲濟陽樹殘雪謹陰田
蔓雜鈎衣轉坡深隱幔偏那能怨行役馬首正茫然

其二

褰帷過殘臘春事復離亭日氣搖沙白冰文壓浪青
饑鳥驚復下倦馬策還停處處疲奔命誰能辨使星

其三

征途時一晒尊食向青山物態腰章後時才手板間
漸衰寒自骨久客厚歸顏細數浮生事魚樵亦未閒

其四

世情安磬折吾計轉蕭森已是長途骨無輕遲暮心
詩篇仍稍稍杯酒遽沈沈回首雲門路春山恨與深

偶成

罷案無他事行行自灌畦千山未拄笏一鳥過支頤
風雨春時變雲霞晚更移人間聊屈指何處著吾詩

其二

何山能小魯此地亦東秦不盡褰帷色猶餘抱案身

微名寧礙世薄宦轉關人莫問長安道春來事事新

寒食冶園道過大馮子

客路兼寒食干林雨雪霏俱言仲春盡怕是落花飛
禁火柴門掩穿雲獵騎歸向君需社酒還復理冬衣

冶園池亭

小憇據胡床清尊酒未央寒花點新社踈柳出橫塘
魚鳥來相近琴書課不妨愀然心自語薄業太湖傍

臨朐道中遇雪

三月明朝是初憐景物催孤村重見雪十日舊聞雷
寒暑寧關候經綸各競才龍蛇空自出戒爾急須迴

過冶泉

偶經盤石坐下有暗泉過受月苔陰以分雲竹色多
幽巖答樵斧小屋見漁蓑不淺滄浪興風塵可柰何

端午日獨坐長山署中有感

亦知佳節在掩卷自沉吟乳燕窺人靜飛花染坐深
綵絲兒女事紈扇歲時心有酒誰堪酌徒令百感侵

其二

探符與薦忝茲俗向曾經多難兵何辟窮愁客轉醒
柳風陰汎汎城日晝冥冥欲擬懷沙賦人間未忍聽

喜汝思東巡

天遣故人至頓然消百愁呼嶸尊北海顛倒榻南州
一動延津氣雙驅碣石游無須怨行役秋興日相酌

萊陽發道中

朝辭萊子國夕指齊侯城檄自旁午輪蹄交質明
微官奔命熟多難置身輕以謂雲臺上書生有姓名

其二

襜褕亦何道驅馳非所憐叩門棲鳥後炊飯鳴雞前
杳杳海如髮淒淒月似弦十年當此際多負北牕眠

諸城山行

涓然衣帶水忽入松蘿間海雨醞秋色山風澄客顏

舟州山人稿卷之三十六
崔嵬徑欲盡窈窕谷堪攀濟勝豈無具能如玄度閑

夜過丘給事懋實

亦知朝省貴猶是孝廉居四壁已如立一瓢都不餘
悠然見肝膽偶爾及詩書街鼓由他競難催刺史車

其二

苔色車從破庭陰榻不妨締衣挂殘日茗椀過新涼
世事難深竟詩名好細藏自憐無一解得爾愛吾狂

其三

使星齊下邑巷樹魯東家小立匏尊具清言布帽斜
援琴為山水倚杖即雲霞暫失人間態風塵到自嗟

其四

為載嵇康酒來陪阮籍暮故人青眼在高枕白雲知
海色清殘暑花陰逗晚颺莫須成故事折簡便新詩

七夕過宋文憲副

稍覺城烏隱天孫可見過巧應非爾力拙自定誰多
餘興殘瓜果新涼進菱荷還憐宋之問不擬賦明河

真定劉倅高第就徵

手板劉明府徵書漢省垣已收三輔最將益九重尊
往事蒲堪仗清朝草易存波臣正愁絕揮涕問千門
李乾州風鑑妙天下不輕為人言然獨數數屬

意余因賦答之

水鏡慚相問人今豈卧龍尚餘難折項猶屬未歸容
強飯終玄草留書比素封此生何所慕杯酒莫辭釀

其二

久爾稱人相如吾杜德權青雲他燕頤赤日自鳶肩
骯髒虞翻骨輕肥蔡澤年小儒那足道天地亦茫然

答吳明卿

匡山報無恙逐客且盤桓天地終難快風霜稍見寬
瀑飛千嶂晚峽隱萬松寒不分吳明府猶能寄一官

其二

敢倚金緋在蹉跎悞此身時危輸小吏氣盡傍時人
自古文章理尤深放逐臣扁舟五老下隨意破沈淪

其三

風塵催間闕海嶽問離居數掩蛾眉鏡難憑鴈足書
物情吾豈敢詩態爾何如莫作窮途恨千秋幸未踈

其四

七尺如龍馬縱橫鐵柄襠試言開府使何似尚書郎
老去身終擲思歸事未償中原一片地白羽正相望

為李千里悼亡

東風吹濟水零落百花陰未遠乘龍事空餘射雉心

薄寒憎簾入明月鑒帷深欲掩安仁涕情來自不禁

答王新甫

使君殊好在五馬看仍驄說劍豐城色振衣天柱風
宦携心事遠詩雜物情工滿目交游態高秋有一鴻

其二

問訊勞相及秋風阻奮飛地垂齊海盡天入漢京微
姓字人堪避文章計轉非報君應不解筍蕨故園肥

懷汝思有寄

屈指東游日人間事事同客愁更許撥吾懶藉相攻
夜色青燈雨秋天白簡風不知從此後清論向誰工

青社驛遇同年蘇比部兄北上有贈

小驛燈垂燼無言思欲飛十年君執戟雙鬢客沾衣
白骨徵求在黃金故舊非帝京如有問早晚北山薇

長山道中

荒禽暮俱歛游子尚無還道路真僑治衣冠可駐顏
坐銷長短日慚問徃來山倘數人間地何方定是閒

夜坐長山署中

覓句驚從得呼杯幸勿空句堪今日老杯借片時雄
項領紛成態腰支轉未工脩脩故園竹偏在月明中
署中槐樹搖落有感

婆婆兩槐樹生意若無馮明月不相媚朔風時見陵
枝寒過倦鳥影瘦入殘燈為寄雲烟道春來倘鬱蒸

不寐

幞被據匡牀薰爐裊篆香緒風低宿樹孤月淨無霜
戍鼓交偏緩寒雞報轉長不眠須起舞塵匣暗干將

雪夜獨坐

庭皋澹如水裊裊雪仍垂疎竹俄相並棲鳥迥對疑
鑪香收蕙茗漏刻過吟詩宴坐將何道沈冥識者誰

李伯承遷尚寶丞却寄

偶展除書讀禪冠有姓名誰其尚符璽君未厭承明

保直依温樹裁詩憶露莖亦知東海上發晚碧雲生

寄順甫比部

展轉今三仕蹉跎尚一官重來秋署色恐失歲星寒
計悟空言晚身容薄祿寬祗應騎馬出庭雪映書殘

應在明遷職方

忽汝新叅幕仍吾舊剖符事違同涕淚身在各艱虞
霜霰青陽晚風塵白日孤母將歲寒意宛轉媚春蕪

其二

國計輕猶昔天威重至今甲兵紛屬口冠蓋失謀心
非爾登津要何人挽陸沈故園耕釣穩吾豈厭投簪

除夜有感

欲盡難留日將歸未果身生涯元客歲物意向王春
北極龍文古明堂象魏新鳴珂又朝列誰與念波臣
峻伯將至先以詩來走筆邀之

忽報嵇康駕頻呼阮籍杯乾坤雙眼對海岱故人來
雪入朱絃盡春留綵筆開欲東雖馬首無乃一徘徊
春晴與峻伯游雲門既別雪乃大作賦此志之

且訂後約

為汝雙吟履春天強放晴雪仍降野色冰復禁河聲
但許同心在那妨薄宦名登臨事何限花鳥莫愁爭

二月

二月今垂半蕭條海國城緒寒停客夢初雨泄春聲
野草青從施霜毛白更爭幽居廢朋好杯酒獨崢嶸

自夾山趣顏神感古

千秋此夾谷駐馬意徘徊蒼嶺鋒爭向青天線劃開
人疑懸索度水憶建餅來回首兵車地虛生命世才

黃子將詩及擬騷見貽酬贈二首

盛年辭水鏡垂老即林皋今古雙垂涕乾坤一擬騷
恩非罷官薄骨為著書高滄海茫茫在何人問釣鰲

其二

天末空長劔人間自由鈎噉之殊代事吞恨大江流
妙手斲輪得雄心伏櫪收君看揚馬後餘子盡悠悠

昌樂道中

馬足縈溪轉鶯歌引樾聽波搖碩氣白山琢斷雲青
細雨農顏破輕寒客思停絕憐柳外出沒小輜軒
紀戊午正月李公事有感

變態風雲伏精靈日月移蓋棺終不定前席竟無期
畫地身從入呼天聽每遲如逢力泉轍尚可問袁絲

其二

豈謂夔龍席翻然百態生何人善陰中為爾出陽驚
驃騎新門客尚書舊履聲君恩與朋好愁絕向誰明

其三

榮悴一身竟吹噓萬象過望恩人自失分淚客誰多
跡削施蒿雉魂歸惱薜蘿閩江自清絕不接沅湘波

其四

半面坊門識私庭跡有無亦知求駿骨或擬下鷄雛
名玷山公草心違孺子芻平生國士意落落滿江湖

青州雜感十首

罷吏白雲省來司青帝丘當時爽鳩氏還作東諸侯
其樂已千載吾蹤仍九州牛山毋雪涕要使姓名留

其二

薊苑歸鴻信春風忍盡聞
豚茅諸部曲持節舊參軍
地脉秋毫補天顏咫尺分
敢辭雙鬢雪持報

聖明君

其三

不淺清尊興其如白羽何
春聲生鐵馬燧色隱銅駝
棄擲兵才易艱危相業多
微官難即解回首愧松蘿

其四

尚憶游燕侶新詩好共論
壇成人大將鼎立幾中原

放逐吾曹事飄零

聖主恩營丘跨海岱不擬賦招魂

其五

國難孤誰共天驕晚未擒
九重垂北顧萬死障南侵
急下明光詔多分少府金
汝曹須戮力今日

主恩深

其六

戰鷁紛如昨頻添海戍長
豈應齊擊技不敵楚餘皇
耒挂妨春雨笳吹咽曉霜
野夫冠厠注愧爾綠沈槍

其七

次第人間事毋如且挂冠
青雲李生失紫氣漢關寒

官簿差相傍書成已倦看攬衣仍嘆暗愁見萬花殘

其八

未展瘡痍骨徵書十道來乾坤漆室歎將相栢梁才
忍病醫從卻憂生酒浪催當時嵇阮輩跌宕有深哀

其九

五馬初停駕荒城鼓角淹少年聚牛酒亡命問魚鹽
鷗下微相信鷹饑或已厭重來暴公子渡莫霽威嚴

其十

坐哂緣何事人間百態更違心仍作語逐面暫生情
名豈吹噓重身寧伏謁輕輸他鷓鴣賦垂死亦縱橫

三月晦盡行高苑道中大風

三春行已盡萬象施仍偏敗屋蛛憑網荒村柳但眠
白如甌脫地青豈汶陽田為語流亡態將無愧俸錢

其二

日色虛駘蕩風沙太猛狂已令花似雪復要鬢如霜
薄宦春從失將歸老不妨青帘濁醪在渡莫喚誰嘗
行視高苑決口有感

豈無淇竹捷洶洶勢難回野色存鷗鷺春心辨草萊
中原瓠子口使者栢梁臺縱有呼天慟天門迥未開

弇州山人四部稿卷之二十七

吳郡王世貞元美著

詩部

五言律一百二十首

泰安戲呈徐張二使君索會

不有清尊在何當慰折腰
倦來時自哂狂至欲誰驕
岱色家家飽嵐雲日日饒
豈無消暑會乘興未須招

其二

高卧成吾懶閒居任物情
開門稀候吏隱几至啼鶯
仗酒為公事裁詩問友生
城南富修竹何處可題名

夏日陪段侍御游靈巖寺作

群峰抱蘭若孤塔界晴空未沐菩提雨時聞薜蘿風
使星聊一駐佛日暫相同倘借支公馬長陪鮑氏驄

陪段侍御登靈巖絕頂

徑折全疑盡峰迴陡自開蒼然萬山色忽擁岱宗來
碧澗傳僧梵青天落酒杯雄風別有賦不羨楚蘭臺

春日行園

使君聊一出物色自爭誇小雨飽桑葉輕陰寒杏花
官厨棗兒酒鄉信穀前茶不必尊鱸在吾生固未涯

殿卿慰予哭子有答

千崖送落日愁思滿齊山非爾一貽好何人為破顏
月疑庭玉在星作掌珠還卷罷新詩去依然秋閉關

醉後

遷官非不好衰態暗相催草色將袍去霜華擬鬢來
罷衙無長燭呼酒有餘杯且了今朝事浮生次第裁

其二

誰道長安近山城信自稀隔秋除日到罷覽故人非
久不關吾事頻須理客衣明年官不解妻子也應歸

寄王丈道立登魁選

十載揚雄賦諸生伏氏書下帷多講授提筆自吹噓

并州山人續集卷之二十一 世經堂刻
價奪連城外鋒全百戰餘還將短瞿問狗監爾何如

弟姪俱薦賦此寄之

磊落吾宗彥參差萬里翰東南自金錫王謝有琅玕
癡叔殊能健狂兄未許難將無杏園色人擬竹林看

答勛甫吏部八首

選極王萊重交仍嵇阮偏懷人倡白雪矯首向高天
水鑑千秋在風流一代專新詩大自好虛借野夫權

其二

屈指青雲士誰知張長公孤吟破秋色萬木避天風
吾黨殊能作乾坤不可窮毋論廣武歎豎子未英雄

其三

跌宕尚書省文章日更新星辰仍長物天地獨私人
霧豹看從晦雲龍矯莫馴南山有松柏把臂問沈淪

其四

牢落詩如故浮沉了不關無人自流水余志在名山
忽辱隋珠引能容趙璧還相期各努力名姓墮人間

其五

不獨宗吳輩人今未可量名多爾自失身在欲誰強
斗劍懸中嶽霜鷗擊大荒還聞有餘勇跋跋少年場

其六

赤日浴滄海青天橫岱嶽示漢家兩司馬吾世一攀龍
病起千年態徘徊絕代容齊稱君誤矣寥廓或雲從

其七

碣石諸侯館中原五子名高秋白馬辨下士蒼蠅聲
風雨歸何處萍蓬托此生使君仍驚起母乃太縱橫

其八

莫作呼開府衣冠一野人幾逢滄海雪三遠薊門春
失計貧彈缺從心老斲輪齊風如稍稍拂袖大江濱

寄答張幼于下第

玉是連城價蘭為大國香無言依正則有淚待陵陽
白雪元堪寡青雲祇自荒總應名就日留滯亦文章

贈別中表丈史鴻臚還吳

上客含雞貴中朝結駟難家貧郎自免身在酒相寬
草色營丘雨潮聲楊子寒母論兩地隔只羨一枝安

其二

少住為佳耳親朋盡歲孤宮厨饒脫粟鄉味有蒸壺
魯酒能嘗不齊謳可聽無自然留不得秋興滿尊鱸

端午日長山署有懷

孤城逢此日還憶去年期只自饒三韭那能辨五絲
欲眠須引卷觸熱未呼卮醒醉元同意寥寥識者誰

昨歲還今日追歡得似無兒偏愛溺草女亦解傾蒲
儵忽浮生過淒涼萬事孤擲他長命縷不作繫雙珠
得舍第試文喜其必第走筆寄之

文章家不乏今爾更縱橫海上鴻鴈色秋空鵬鶚鳴
此時漢京兆下榻吳諸生無限人間事區區一第名

寄顧聖少

乾坤亦有意縱汝向中原只益新詩好那扶游客尊
拂衣緣甃者垂涕過夷門數盡人間事能如知己恩
病卧東禪乞休未報殿卿相國馳騎相訪書此

為別

擬作輕離別如君來去何諸天忽示態初地欲生魔
白社風流少青林月色多留將煩惱意迴問病維摩
再別殿卿時余方有家難

河流如易水日夜蕩秋旻不作登車去能無戀故人
霜仍飛六月虹未入三秦一掬中原淚難從握手論
難後答和于鱗舊貽四首

燕臺一掬淚歸灑大江湄天地藏身小風塵厭世遲
生寧如李志死敢傍要離寒雨松楸夕那堪讀汝詩
其二

鍾州山人集卷之二十七 五 世經堂刻
屈指人間世名成豈偶然中原方軌在畏路拂衣偏
病色高千古窮愁自一天可無沮溺未難並汶陽田

其三

偶誦招魂語驚心往事多蹉跎吾計失憔悴此生過
隱跡羞叢桂詩章畏蓼莪湘江暮烟色愁絕意如何

其四

何限乾坤事歸來汝自酬振衣滄海月搥筆岱雲秋
一字堪金石孤城各斗牛報書知健在不必淚潛流

答于鱗立春日齋居對雪見懷

春雪覆江干江城春未闌洩雲千雉合迎日萬花殘
鴈色懸秋曙雞聲破夢寒如聞郢中調祇為和人難

答于鱗慰哭子二首

謝庭三秀草此夕九秋霜埋玉甘憔悴探環竟杳茫
寸腸存屢折孤客鬪誰強為語西河淚情今未可忘

其二

擬作東門達那堪復泫然壯慚兒女態窮人故人憐
歲月危看影乾坤怯問年此身真毓落飄泊向誰邊

雨泊崑城遣信要仲蔚

三載抱寒影茲辰聊出游春風澹踈雨渺渺獨行舟
暝色動城雉炊烟散林鳩呼童洗茶盃君解過儂否

余以幽憂久廢吟詠至八月十二日夜忽夢於
停雲館餞人北還得二句云中原垂鳥道久客
自鷄衣尋改賦古體八句覺後悉記之不知其
何說也

留君日何短別君日何長中原鳥道路游子鷄衣裳
悲風夜騷屑白雲寒蒼茫盡此一杯酒踟躕空斷腸
過莫公遠草堂有作

流水欲盡處見君白雲堂誰云四立壁解有雙脩篁
開卷動秋色談詩過夕陽出門一長嘯迥爾高天蒼
題沈道士竹洲館

道人滄洲館擁徑千琅玕竟日碧雲合有時明月殘
玄心澹相映秀色淨堪餐忽憶青蓮句秋聲萬古寒
徐子與解郡過吳門同淳父輩出視分韻得彈
字

白髮歸人問青山傲吏看簪從今日盍冠復幾時彈
海內詩仍在吾徒酒自寬浮家若雪裏來往莫辭難
過邵元化飲不醉戲作

田父過能數書生具頗艱大都鮭菜美遮莫酒杯慳
鼓腹松風外科頭樹影間近知醒亦好歸步不蹢躅
幼于見過分韻

小徑苔從破清尊雨乍過亦知高枕是其柰故人何
懶但安吾有狂今較孰多近耽貧賤理慎莫厭松蘿

其二

踟躕酒不醉起見明星闌片語數相苦千秋敢獨安
青山蠟屐在白雪高齋寒傲豈吾曹意時名君自看

寄泉守周先生

為得閩中耗愀然幾廢耕有家俱中虜無地不尋兵
此際干城在應專保障名寄言麟閣上早晚着書生

夏日飲煦上人房

予人無一事愛爾雲林眠緩帶松風集開樽江月懸
僧仍解中聖客亦喜逃禪欲問西來意難從醒者傳

其二

藜杖欲何適清溪扶興長煦公茅屋底時有松醪香
青菜久成甲紅蓮初離房謂予餐禪悅此味詎能忘

題林布政墓誌後為其孫司訓請

殘編未忍讀為憶泰陵時績是中興紀文如有道碑
已看埋玉樹還復長蘭枝大有棠陰在王孫知不知
長興諸友生送別道上即事

今朝雪川路且作武陵看蘿色分樵斧萍陰入釣竿
水憐衣帶近山憶畫圖寬劇有浮家興離觴莫厭殘

義士李國卿歸骨長山哭以送之

生死銜恩在間關病骨遙刀頭空自卜

上告歸矣
病弗果行也

首為誰驕風色田橫館寒雲豫讓橋豈無心一寸魂
斷竟難招

劉夔憲罷官

偶一聞朝事君今又乞身世情工射影吾道合垂綸
歲月終何事江湖漸有人素衣知尚在不染洛陽塵
戲贈導引者吳生

池湧青蓮坐天垂白玉塔暫留為說法欲去亦無難
爾今習態鳥便欲喚鶴鷺為三尺齊門缺將從紫府禪
包子以叅軍集見遺有答

忽展叅軍集殊兼鮑照長篇章自吳越今古共齊梁
才豈人間盡名容我輩狂歸來亦有作不擬喚柴桑

除夕

江村寒轉寂柴柘欲生烟竟日懸孤榻有時手一編
踈燈逗餘夜小雨作殘年唯有牢愁念時時不類禪

其二

誰憐抱影意吾卧已經旬晷冉難留日支離向晚身
任他新甲子不解守庚申

新歲為
甲子

惟有尊中物能令

隔歲春

穀日雪作

霰雪飄何甚因風裊更斜臘遲偏為穀春潤未疑花
曙色開銀甃寒光入絳紗牀頭社酒熟扶醉到隣家
晦日園行初見紅梅一樹作

孟春行已盡入眼但紅梅破雪寒相假含風曉暗催
蕭條初辨色爛熳不禁才且莫論遲暮陶然酒一杯
袁魯望見過分韻四首

懶草玄經罷開門春草平交游隨宦失物態與年生
懸榻寧雙下呼樽始一驚對君今日飲差不悔虛名
得驚字

其二

盤飧無別味好為野人留菜甲春畦熟河鮑晚市收
白分燕玉暖青擘越絲柔却笑張公子尊鱸奪宦游
得游字

其三

小有求羊徑能無為爾開東偏初徙竹春勒未舒梅
少住因青眼何營但醪醑不須論興盡歸舫或堪陪
得梅字

其四

渺渺孤帆去江頭此送君風光催岸柳潮影渡春雲

縱飲時相壓狂歌好自聞亦知分手易將老長離群
得雲字

席上探贈得晉望

春風木葉揖遇爾墮閣城西出橫塘晚寒花千樹明
經營多酒事飛動各詩名獨有分攜處依然黃鳥聲

過徐徵君作

城處無遠矚念君亭館幽窺簾竹色動隱几松陰流
道書久不讀清言時一酬還能開徑否吾敢擬羊求

子與病後見貽新詩六章次答

高枕抗烟蘿春光柰病何誰堪賦季子我解問維摩
丈室諸天在千秋一瞬過加飧更有語晚計莫蹉跎

其二

善病胡為爾清齋藥餌催潮憐枚叔對露惜馬卿才
湖海身偏斲文章老自猜還將嘔心句次第為君裁

其三

遙憐伏枕處咄咄向何人春色從教負朋情轉自真
鶯花若下酒烟雨雪溪綸不獨能憎達窮來妬汝身

其四

病色堅高卧生涯淺卜居莫疑杯外影須却枕中書

子與病以
眼食得

陶墅偏宜秫潘園好藝蔬殘年幸猶在隨

我狎樵漁

其五

亦有清狂疾饒君善酒尊物情雙藥裹吾道一衡門
伏櫪人俱老衝星劍尚存此生終海嶽不死任乾坤

其六

蕭條一書札新自雲中來億與貧爭長愁將老暗催
詩魔應稍退酒債未全開了却無生後春風幾百迴

法空上人虎丘翻經

大有摩尼在將從智者探天花凡幾點貝葉到何函
千日懸龍藏孤燈隱佛龕欲知翻後境曉色空寒潭

法上人還石湖

一鉢本無住孤雲時自依蒼然石湖色似愛遠公歸
忍草吐新帶香蓮辭故衣唯應乞食後秋雨封柴扉

寄答明卿二首

閩海迢遙路柴門放逐身雙魚不自意五馬更何人
舊態我能發窮交轉向真相逢未可定佳句眼堪新

其二

側目中原並游蹤晚路偏一麾仍領郡萬死及歸田
宦在何妨薄詩成祇共憐高鵬與低鷄天地亦茫然

寄黃生舒華

及爾書來日行歲更可憐一官詩自罷萬態酒堪捐
老豈時人力窮餘異代權何當具瓢笠握手太湖烟

舟次辱華存叔見示投贈之作有答
不為風塵色吾廬卧自深時名雙屈指物態一驚心
姓字勞波及文章久陸沈相看布衣在飛動不能禁

其二

莫問援琴意惟憐執手時新詩過草速踈燭受花遲
歲月吾初有乾坤爾自知春波正遼濶未敢定前期

答沈山人嘉則二首

滿眼交游態相過意獨深醉來扶任俠老去急知音
零落家人產縱橫國士心未須論往事嗚咽對沾襟

其二

兄弟逢家難倉皇並挂冠莫言歸計早猶作畏途看
蘿薜褰愁入松杉掩淚殘唯應獄中劔虹色為君寒

為張茂才贈張將軍時治艘南京

客言保障地無復使君賢禮樂原蒐貴樓船漢將專
令嚴朱桁月烽淨白門烟更有平原館衙恩國士偏

尤子求嘗自言其手畫蘇長公後赤壁賦甚精
索余書賦其尾未果今年冬子求忽使阿獠攜

此卷來乞二金為臘夕之資余如數與之還其

卷為書賦且題一五言律子求可付虎兒善藏
之勿售非其人也

只倚曹韓貴窮來况所如真成乞米帖吾豈換為書
筆底青山在燈前白髮踈吳門有長缺慎莫歎無魚

觀夜獵醉作

老分窮愁在歸堪一事狂由來學劍晚肯為著書忙
花徑朝浮白霜天夜走黃衰顏且塗抹闌入少年場
與舍第郊行訪舊作

風日江鄉好連翩並所知門人兩籃輦貧舊一茅廬
時見青烟遠因知黃葉踈悠然淺酌罷隨意狎樵漁

寄陸考功與繩

自起東山駕蒼生果不虛舜門懸水鏡堯日滿公車
契合孤忠後窮分一氣餘久安遺世略不草絕交書

贈陸生

自貪林下日生計未全踈時展滑稽傳間窺玄素書
因君獲二妙顧我罷三餘儘可扶衰病青山恣所如

過故凌京兆汝成墓有感

初日松楸地相過倍黯然古今杯酒得生死諫書傳
舊客西州淚羊曇事新題京兆阡曹事向來同病者老誦

獨醒篇

馬鞍山陸氏園送別子與得新字

送君冰雪地梅意獨含春晚更憐山色窮能戀故人
醺來社酒煖獵罷野厨新眈眈深杯後俱誇未死身

其二

出處關何事因君偶試論一官今轉拙十口未全貧
白雪啣知舊青山惜別新自安丘與壑終不傍風塵
除夕偶憶杜詩四十明朝是語有感作

四十明朝是愁來酒易醺流年杯後得緒景句中分
寒勒孤村雪春生大海雲浮名殊自苦吾意欲無聞

其二

四十明朝是抽簪歲屢更自貪田父日誰妬野人名
臘肉來鄉社春醪有弟兄不教兒輩酌知會減歡情
皇甫司勳宅逢故九江守王丈王於先君同年
其來也為其尊大夫乞皇甫志墓因贈五言三

章

把袂吳閭里含香漢署游風塵二千石湖海一孤舟
門刺通文舉碑辭識太丘歲星無物色隨地足沈浮

其二

客間疑鬢髮天上見文章以爾丈人行當時童子郎
霜風鳴薊缺春雨澁荷裳莫作窮途慟烟霞許並狂

其三

試問西京日終童更有無青雲流輩盡白雪和人孤
布帽時堪擲籃輿少給扶威明殊偃蹇倒屣為王符

答殿無美問疾

欲悉春來况頭顱漸不如泔魚吾事晚羅雀故人疎
懶廢雖堪病窮愁可罷書

啟詩有肺病春來
劇新書止絕編唯餘止

酒意為爾尚躊躇

余忝青社日陸叟挾岐黃之術游余門既罷歸
訪余江上素髮被領童顏不衰云且北游余謂
叟術固神能治余狂疾乎因為一詩贈之叟笑

不答

十年仍一老不改酖顏春身作齊魯客名同秦越人
採苓山月晚種杏江風新獨有清狂疾饒君術自神
端午里中飲時甫有海上之捷

莫以獨醒意生踈舊酒徒煖香初馮玉寒碧旋添蒲
柳挿從巾墮花催到手無海波知稍戢為有辟兵符

曉行即事

小輦涼能進荒雞遠互求無妨戴星去仍作御風游
卯色天徐坼眉纖月迥愁泠泠桔槔水隨意到前疇

贈徐使君之徐州憲作

彭城徐子地柱後漢臣冠地挾黃河峻冠凌白雪寒
風流千騎擁祖道萬人看自有攀轅淚時平借寇難

奉送彭崑山特徵

忽報天書下秋星引去輪吾方傳循吏君可願良臣
水憶朱絃在霜催白簡新草萊無限色仗爾達楓宸

題東洋卷

為厭人間小滄波倘可尋扶桑催日動碣石抱雲沈
未晚圖南翼長懸立極心乘桴吾道在對爾欲沾襟

徐徵君示灌園諸作率爾奉答

一叟漢陰興新詩大曆才才寧隨老畫詩可傍窮來

壁落秋聲樹青熒曉色苔衡門知久寂肯為抱琴開

飲鄉人桂樹下作

桂樹扶秋老藜筇引興長短牆過秀色小徑裊幽香
客自歌招隱人殊勝辟彊前身是金粟米汁但何妨

贈廣東袁生

山川知粵盡風物到吳新舊業餘孤隱時名傍此身
酒旗隨處是詩卷未全貧為語衣宏道誰堪賦裏人

贈楊茂才楊之父別駕君則先子嘗受業焉楊

又館於族孫進忠其行也乞詩為別

談經而父業門館盡時髦未竟衡鱣瑞依然見鳳毛

青箱王氏得絳帳馬融高欲悉通家意臨岐有佩刀

寄贈劉子

劉以鴻臚序班歸隱

漢殿辭新月吳山理舊雲官初拜典客人自號徵君
松塢苓從長芝田鶴自群憐余亦世棄消息倘相聞

謝邵都閩惠荔枝

朝來逢驛騎香色滿雙函野老慙推食將軍為絕甘
瓢看澄露寫枝憶紫雲酣寂寞華清在何人走劔南

送張牧之白下分得長千里

君是張星裔偏歌玉樹花儂家楊柳色應接白門鴉
別淚銷金粉新篇採彩霞長干六代地今昔擅豪華

又賦得石頭城

君今何處去飛棹石頭城一塹分天濶千山拱堞平
宅猶龍虎氣臺憶鳳凰名好是張平子還能賦兩京
虛白上人出關後走筆問之

朝來啟蘭若啁晰鳥鼓驕見爾定中出知無覺路遙
白雲初捲衲寒月尚依瓢莫作深山往禪心處處調

哭周憲副叔夜二首

忽得雲間信沈淪世所嗟百年循吏傳十口孝廉家
落日窺詩草嚴霜負鬢華不知門弟子若個是侯芭

其二

十載三為別，那堪此別遙。
星飛後象梁，月夢回標。
名尚山濤啟，叔夜卒後遷官魂先宋玉招。
未應絃便絕，流水覺蕭條。

董生善丹青，欲為邵武吳使君。
作小像，走筆嘲

邵武

不必問天去，吳郎已大都。
撫膺雙睥睨，抵掌一侏儒。
腰帶金嫌濶，頭毛藥斲扶。
唯餘酒間態，念汝貌能無。

呈華明伯

華時有家訟

得失區區事，相看彈指中。
無論塞翁馬，况是楚人弓。
萬態浮雲變，寸心明月空。
延陵何限色，西去有遺宮。

王水部祠古栢

宋祠王水部，庭栢歲能深。
老狎冰霜色，寒窺天地心。
夜根迴虎攫，秋牝發龍吟。
莫作明堂思，餘生恐見侵。

邵將軍亡鶴

秋來雙病羽，無夢再乘軒。
已驗浮丘相，難招丁令魂。
白雲遺響斷，脩竹敗翎存。
一片華陽石，千年意可論。

慰邵將軍孤鶴

緱山一羽化，故侶杳難尋。
獨立清秋色，孤鳴碧漢心。
死生交誼盡，飲啄主恩深。
莫作低回態，人誰支道林。

答張助甫三首

舟州山人雜錄卷之二十七
十九世紀
君家兄弟好猶戀舊綿袍迢迢頰魚尾參差彩鳳毛
世寧寬此道天未厭吾曹若依求羊訪吳山處處高

其二

褰帷何處是雲雨暗衡巫嶽色雲堪借江聲雨自扶
一官知長物千古失窮途倘及漁樵侶飛揚意不無

其三

物態工流落時才負隱淪星能為處士雪許和遷人
自愛藏名手遙憐折節身古來文苑客強半在風塵

寒食志感示兒輩

六度逢寒食肝腸寸寸灰豈無懸日月難擬到泉臺

歲每慚新鬼春從冷舊醅兒曹須老大莫忘介山哀

小疾偶成

事違難喜事身退轉憐身酒盞從他負醫方稍自親
偶穿苔際屐時倚竹邊綸書縱同袁豹那能便古人

題雲隱庵募緣卷

劫雨頽朱刹慈雲演法輪但餘飛錫地未少布金人
一念城能化多生里不貧毋將小果對阿育是何因

病中答張大

逃暑真宜懶經旬但掩扉自憐狂與瘦不解勝能肥
身在猶堪病名衰好受譏新詩似秋色吹我思翻飛

算州山及
補
卷之十七

二十一
世經堂
亥

